

萬安縣志卷二十

雜志

諛聞瑣節掌故裨焉災祥靈感徵信則傳理契疇範
誕殊夸堅至若金石湮沒荒煙攜摭數端綴諸簡編
後有作者蒐採無偏志雜事第十二

祥異

宋

元豐初五色雲見於雲洲時賈善祥左遷為萬安縣丞有
德政召還是日駐旌遂與江口越月郭世承中漕試解
元殆新邑之祥云舊志

按通志云唐大中時虔州刺史賈琮一作崇入覲駐旌遂

萬安縣志

卷二十

雜志

祥異

一

與江口見洲有五色祥雲起因名萬安為五雲盧府志
因之但不載賈琮事是皆以五色雲見在唐也第萬安
之名始於南唐即改贛陽驛為五雲驛亦在立縣以後
未必如通志云云也錄備參考

明

永樂二年甲申洪水橫流鄉民大患之

永樂五年丁亥蕉源水湧山崩田塞

洪熙元年乙巳夏大水深於永樂間壅塞田地漂沒廬舍

成化二十一年乙巳閏四月大水較前加四尺稍退五月

復漲二尺田廬崩沒無算五雲閣被冲塌水退繼以疫

正德五年庚午夏野蔬自南來入城隍廟鄉民逐之邑人

劉玉占曰王城郭坵墟冬十二月流賊果至殺戮男婦數千燒燬民居殆盡在縣三日在蕉源五日黃塘二日

府志 嘉靖十二年癸巳蝗禾苗盡災

嘉靖十四年乙未夏五月大水城鄉均受害郡守屠大山

因作憂民詩

詩見文翰志

國朝

順治四年丁亥大饑斗米銀七錢民多死

康熙二十六年丁亥春霖雨洪水汎濫山崩北城傾人多

淹死夏大旱三月禾稼盡槁民饑

雍正元年癸卯正月甘露降

府志

萬安縣志

卷二十 雜志

祥異

二

雍正十年壬子大水西塘鄧林等處冲塌房屋

府志

乾隆元年丙辰五色雲見東方

乾隆十五年庚午大水

乾隆五十年乙巳大熟

乾隆五十一年丙午夏大旱至七月始雨秋藝特熟

乾隆五十四年己酉大旱秋大疫

嘉慶五年庚申水發於寧都城中可通舟楫

嘉慶十七年壬申夏大水甚於庚申學宮照牆毀道德門

圯五月暴雨山溪水發田廬被冲知縣余源勘報

嘉慶二十五年庚辰大疫

道光二年壬午穀熟

道光三年癸未正月雪深數尺歲大熟

道光六年丙戌旱大饑米價昂貴

道光十四年甲午夏大水城垣冲塌斗米錢七百餘民多
餓死

道光十七年丁酉大熟

咸豐二年壬子東鄉桐口有女人嫁中塘地方忽變爲男
身

咸豐三年癸丑春有綠蟲如蝗者遍於野傷苗夏雨不止
禾生兩耳六月朔良口山崩平地水深六七尺冲沒田
地房屋無算

咸豐四年甲寅有麋自東來入城穀貴

萬安縣志

卷二十

雜志

祥異

三

同治五年丙寅八月城內起火延燒店房百七十餘家良
口是月亦被火災店燒殆盡

同治七年戊辰夏大水泛濫於南鄉傷人冲沒田產房屋
甚夥

同治八年己巳四月雨武索山崩於夜水陡漲平地六七
尺冲沒田廬無算淹死數十人

同治九年庚午春霖雨夏大旱米貴

同治十年辛未豪猪自北來入城邑人獲之

同治十二年癸酉秋大熟十一月雨豆及粟

軼事

舊傳段氏家產一馬五蹄行則特懸中足登巘如飛人不能御段氏生男面頂肉角隆起悍而勇能服之人以爲馬妖人孽也遂斃馬於廖氏巷肉角者尋亦死時厯官按豫章翼軫之界名將天馬星落於遂興地分徵之人馬俱斃矣遂配段氏爲軍

唐時二都白雲寺有紅白二塔忽一夕紅塔飛去故昔人有紅雲飛去白雲存之句又寺後有一石穴每日吐鹽以供寺僧僧貪鑿穴遂成流沙

宋熙甯間有五虎自蕉源來突入民舍一道人敲木具大聲呼曰虎不殺人新邑以甯後果無害

萬安縣志

卷二十 雜志

軼事

四

涵山寺有鐘夜自鳴舊傳歐陽文忠公修來山講學疑其鐘妖題詩警之其聲遂止

鬼石距縣里許先是村民畜雞鳧日輒見損交異之有高僧知爲怪物所食一日僧夜行有鬼物近僧而卻僧以梵呪驅而前鬼謝曰師若有命當如師也僧卽以村民所患言鬼曰我有以報師矣願師無作鐘鼓聲漏三下雷電交作風雨怒集則害頓除矣晨視之乃變爲巨石焉由是村民之畜無患迄今其石尙存

舊載韶口雅陂洲橋甫築時屢徙不定忽有神人指示眾工定之題一聯於真武殿門云青山四拱殿閣如同天地老綠水相環橋門不斷古今流題訖化爲雲煙而去

宋隆祐太后以大軍六萬南行至灘上夜泊古廟前廟神大呼曰朔兵至矣急登岸太后驚覺卽從五里關遁去得免後高宗卽位因封是神曰剛應侯

舊傳有人騎驢過崇仙寺遇數道士席地以芝草遞食下驢就之口唱佛經忽然雲散

宋丞相文文山勤王兵次於三慧寺貼都督行府四字於門一夕雷電交作撤所書字文文山心動引兵他往次日元兵果至

贛石三百里有大小黃公灘與萬安對無甚險惡坡公誤聽以爲惶恐遂對喜懽慶元二年十一月十四夜南宋王阮宿灘下夢絳衣素冠人辨論叻叻記其旨似謂不

萬安縣志

卷二十

雜志

軼事

五

願人畏阮應曰灘指石耳水何與焉其人有喜色意者

黃公耶

見王阮詩序

元至順壬戌北嶽廟池中忽生並頭蓮順帝過此臨幸宴賞

明洪武元年民丁守城見關帝綠袍金鎧時著靈護

橫塘張若谷讀禮村落時患疫癘夜半爇篝翻書窗外聞有數人聲相戒曰張先生正人不可犯啟窗視之闕其无人次日聞諸疾者皆愈

舊傳萬邑獄中有井後塞去宏治間雷電交震赤光從獄中出其井忽開

蕭氏家丹桂一株莫究所自植相傳約數百十年元季燬

於兵火樹雖枯其根隱隱有生意蕭之彥敬修先人之德復作樓與桂相對桂之萎者復萌不數歲鬱然識者知爲蕭氏再興之徵科甲之祥也

正德間龍塘蕭柯息於龍巖之書屋亭畔有古松鬱然挺秀白鶴翔其上者數月

倉前周劉氏病革夕夢朱衣赤面若婦人裝飾者曰孝哉爾子吾爲爾療之尋愈

五代時有鈴云萬安灘下漏湖坪此地能藏百萬兵河下桅竿如插筍蕉源洞裏見金銀明嘉靖間果符其讖云萬厯間一夕風雨大作定慧寺鐘忽飛去與虎牛鬪次晨僧踪跡之得於江中昇歸以火燬之失聲後復鳴

萬安縣志

卷二十

雜志

軼事

六

舊傳浣溪有孟仙形似丐至郭姓祠以杖叩地作大穴三謂郭曰三穴滿郭氏與人知其爲仙也以糠粃瓦礫投於穴穴流出大江至今未滿

崇禎間有孝子王大偁廬墓所隨僅一老僕夜半有寇數十人皆五彩面執火直達廬前老僕執門枋拒之遂斃巨寇餘盡驚退

國朝順治二年得一古鈴云萬安灘下水流一十戶共虛九戶貧是年果應其讖

咸豐時車溪有四齡稚子正在戲嬉間天大雷電以風被吹去不知所終

金石

石符 南唐立鎮時闢地得石符一帙有漢隸云地界兩州神秀所蟠更為都邑萬民以安

赤烏鐘 在石洲定慧寺相傳為吳王權赤烏時物寺舊有浮屠一座故老傳為宋開寶時建後忽飛去劉文介詩云夜靜月移開寶塔曉風寒送赤烏鐘

野館題字 通志李少自宋南渡始居萬安有文名朱元晦過之為書萬安野館四字

書院遺字 舊志書院在北門外為白雲寺故址宋朱元晦來游榜曰雲興書社

天龍山石刻 舊傳無邊禪師至萬安跌足虎穴民駭之萬安縣志 卷二十 雜志 金石 七

尋掘土得石上有天龍二字

臥雲參三字 在梅陂極高處不知何時所題

黃公臺碑 吉水鄒忠介元標撰

昂溪書堂四字 在昂溪為宋儒講學處文文山書

晚翠樓墨蹟 在渡頭張宋周家文文山書

許公十政詩碑 宋郭思元撰

德政碑 邑人記知縣趙公彥剛事也明建文間立

五雲崇文塔碑 明知縣立

進士碑 明永樂十年教諭黃須立

鄉貢題名碑 明宣德五年曾鶴齡撰教諭呂鏞立

去思碑 記甲公芝芳德也崇禎四年立

三事碑 謂丈田審丁建堂三事也國朝順治十八年知縣李時涉撰

李公去思碑 康熙二年廬陵張貞生撰碑尙存字半殘
德感碑 邑人記游擊黃成章事也康熙初立

大王廟碑 康熙十八年知縣李夢璵撰

惶恐灘詩碑 在華山右梁南王思訓撰

禁止差役鄉徵陋規碑 在考棚大門知縣歐陽駿撰